

मार्निंग डोगरी न्यूज़ बुलेटिन, समे. 09-20 Hrs

Headlines

- 1.** प्रधानमंत्री नरेन्द्र मोदी होर अज्ज कुवैत दे शहजादे ते उत्थुआं दे प्रधानमंत्री हुंदे कन्नै गल्ल करगंन।
- 2.** जीएसटी दी 55मीं च हिस्सा लैने मगरा मुखमंत्री उमर अब्दुल्ला होरें आखेआ जे कश्मीरी दस्तकारी पर लगने आले जीएसटी पर बाद्धा नेई कीता जाग।
- 3.** केन्द्री मंत्री डॉ. जितेन्द्र सिंह होरें आखेआ ऐ जे औंदे 4–5 ब8रें दरान जम्मू कश्मीर बिजली दे मामले च आत्म निर्भर होई जाग ते दुए राज्येंगि बी बिजली दी सप्लाई करोग।
- 4.** उपमुखमंत्री सुरेन्द्र चौधरी होरें दोहराया जे सरकार जम्मू कश्मीर गी फिल्में दे सैलसफा आली थाहर दे तौरा पर विकसित करने लेई वचनबद्ध ऐ।
- 5.** अज्ज डोगरी मानता दिवस मनाया जा करदा ऐ।

<><><><><><>

PM Kuwait Visit

प्रधानमंत्री नरेन्द्र मोदी अज्ज कुवैत दे बायन पैलेस च निग्गे सोआगत दे बाद कुवैत दे प्रिंस ते युवा शहजादे हुंदे कन्नै बैठक करडन। ओह कुवैत दे प्रधानमंत्री हुंदे कन्नै शिष्टमंडल स्तर दी गल्लबात बी करडन। श्री मोदी होर कल द'ऊं दिनें दी जात्तरा पर कुवैत पुज्जे हे। एह पिच्छले 43एं ब'रें च कुसै भारती प्रधानमंत्री हुंदी पैहली कुवैत जात्तरा ऐ। उंदी एह जात्तरा कुवैत दे अमीर हुंदे साददे पर होआ करदी ऐ। कल श्री मोदी होरें कुवैत शैहरा च इक विशेष आयोजन च भारती समुदाय दे लोकें गी सम्बोधित कीता। उनें आखेआ जे कुवैत दे विकास ते भारत-कुवैत सरबंधें दी मजबूती च भारतवंशियें दी बड्डी भूमिका रेई ऐ। प्रधानमंत्री होरें भारतवंशियें गी प्रवासी भारती दिवस ते अगले म्हीने आयोजित होआ करदे महाकुम्भ मेले च भागीदारी लेई साददा दित्ता। उनें आखेआ जे भारत विश्व-बंधु रेहा ऐ ते तकनीक ते बुनियादी ढांचे दे खेत्तर च देश तेजी कन्नै तरक्की करै करदा ऐ। मोदी होरें आखेआ जे भारत च दुनिया दी कौशल राजधानी बनने दी समर्थ ऐ ते भारत आलमी सतह दिएं जरूरतें मूजब अपने कौशल विकास कार्यक्रम चला करदा ऐ। प्रधानमंत्री होरें कुवैत दे मीना अब्दुनल्ला इलाके च इक श्रमिक शिविर दा दौरा कीता ते भारती श्रमिकें कन्नै गल्लबात कीती। इस शिविर च भारत दे बक्ख-बक्ख राज्यें थमां गेदे तकरीबन डेढ ज्हार श्रमिक न। प्रधानमंत्री होरें भारती श्रमिकें हुंदे कन्नै पिच्छले 10एं ब'रें दे दरान भारत सरकार आसेआ शुरू कीती गेदी कल्याणकारी योजनाएं पर चर्चा कीती। प्रधानमंत्री हुंदे दफ्तरै आखेआ जे श्री मोदी हुंदे श्रमिक शिविर जाने थमां पता लगदा ऐ जे ओह विदेशें

च कम्म करै करदे भारती श्रमिकें दे हितें गी किन्ना महत्व दिंदे न। पिच्छले किश बरें च सरकारै प्रवासी श्रमिकें लेई केई पैहलकदमियां कीतीआं न। प्रधानमंत्री होरें कुवैत च 26में अरेबियन गल्फ कप दे भव्य उद्घाटन समारोह च बी मुख्य परौहने दे तौरा पर हिस्सा लैता। इस दरान उनें कुवैत दे नेतृत्व कन्नै गैर—औपचारिक गल्लबात बी कीती।

<><><><><><>

GST Meet-CM(byte)

राजस्थान दे जैसलमेर च जीएसटी परिसर कल लग्गी दी 55मीं बैठक च चीजें बस्ते ते सेवा कर कन्नै जुड़े दे नकां फैसले लैते गे। केन्द्री खजाना मंत्री निर्मला सीतारमण हुंदी प्रधानता च लग्गी दी बैठक च राज्य दे मुख्मंत्रिएं, उपमुख्मंत्रिएं, राज्य दे वित्त मंत्रिएं ते सरबंघत मंत्रालय दे आला अफसरें हिस्सा लैता। जम्मू कश्मीर दे मुख्मंत्री उमर अब्दुल्ला जीएसटी परिषद दी बैठक च शामिल होए। पत्रकारें गी संबोधत करदे होई मुख्मंत्री अब्दुल्ला होरें कश्मीरी शाल ते दस्तकारी पर जीएसटी रु मुमकन बाढ़े बारे बधा'रदिएं चिंताएं गी दूर कीता। उनें गलाया जे प्श्मीना शाल पर टैक्स बधाने दे कुसै बी प्रस्ताह पर चर्चा नेई होई। जैसलमेर च जीएसटी परिषद दी बैठक मगरा बोलदे होई जनाब उमर अब्दुल्ला होरें शाल बुनकरें ते होर दुए कारीगिरें दे हितें दी राखी हिफाजत लेई अपनी तैआरी दी तस्दीक कीती ते इस गल्ला पर लोह पाई ही। इस चाल्ली दे बचाह दी कोई लोड़ नेई ही की जे एहदे पर बचार नेई कीता गेआ। कारीगिरें ते बपारी समुदायें नै मुख्मंत्री हुंदे पाससेआ इस सरबंघे च कीती गेदी तस्दीक दा मोआयना कीता ऐ।

<><><><><><>

Education-Ministry

शिक्षा मंत्रालय नै जम्मू—कश्मीर उच्च शिक्षा आहले 9 इदारें लेई प्रधानमंत्री उच्चतर शिक्षा अभियान तैहत 85 करोड़ रुपे दे प्रोजेक्ट मंजूर कीते न। इस बारै फैसला जंदे रोज परियोजनाएं गी मंजूरी देने आहले बोर्ड दी त्री बैठका च लैता गेआ। इस गैह दे तैहत राजौरी च बाबा गुलाम शाह बादशाह युनिवर्सिटी गी ढांचागत विकास लेई 20 करोड़ रुपें दी रकम थहोग। जम्मू—कश्मीर दे उच्च शिक्षा विभाग नै एहदे शा पैहले 585 करोड़ रुपें दी अंदाजन लागत कन्नै 47 इदारें लेई इक व्यापक प्रस्ताव जमा करोआया हा।

<><><><><><>

Dr.Jatinder Singh Doda(byte)

केन्द्री मंत्री डॉ. जितेन्द्र सिंह होरें आखेआ ऐ जे औंदे 4—5 बरें च जम्मू कश्मीर बिजली दे मामले च ना छड़र आत्म निर्भर होई जाग, सगुआं दूए राज्यें गी बिजली सप्लाई करोग। डॉ. सिंह होरें गलाया जे अगले 3—4 बरें

च हाइड्रो इलेक्ट्रिक परियोजना 8000 मेगावाट तगर पुज्जी जाग। केन्द्री मंत्री होरें कल डोडा च दिशा दी बैठक दी प्रधानता करदे होई एह गल्ल आक्खी। छत्रगलां सुरंग जनेई मुख्य परियोजना दे कम्में च तरक्की दी बी समीक्षा कीती, जेहड़ी डोडा ते लखनपुर बश्कार हर मोसम च संपर्क उपलब्ध करोआग। एहदे कन्नै रोजगार ते आर्थिक विकास गी बढ़ावा थहोग। इंदे अलावा डॉ. सिंह होरें जनहिस्सेदारी तैह्त्त आम लोकें दीहिस्सेदारी दा आह्वान कीता ऐ ते आयुष्मान भारत, कौशलविकास ते नशा मुक्त पैहल दे महत्वै पर जोर पाया। उनें भद्रवाह च सैलसफे गी बढ़ावा देने लेई इक होर लैवेंडर महोत्सव ते कृषि प्रदत्तिएं गी बधाने आस्तै कार्यशालाएं लोआने दी बी तजवीज पेश कीती।

<><><><><><>

PM Mann Ki Baat

प्रधानमंत्री नरेन्द्र मोदी अपने माहवार रेडियो कार्यक्रम “मन की बात” दे राएं औंदी 29 दिसम्बर गी देश—विदेश च रौह्ते आहले श्रोताएं कन्नै बचार सांझे करडन। हर म्हीने दे अखीरले ऐतवारें दिनै 11 बजे प्रसारत होने आले इस कार्यक्रम दी एह 117मीं किश्त होग। कार्यक्रम च शामिल कराने लेई लोक अपने बचार टोल फ्री नंबर 1800—11—7800 पर फोन करियै जां फही नरेन्द्र मोदी ऐप पर बी इस म्हीने दी 27 तरीक तगर भेजी सकदे न। मन की बात दा प्रसारण आकाशवाणी ते दूरदर्शन दे समूलचे नेटवर्क पर कीता जाह्ग। एहदे इलावा एह प्रसारण आकाशवाणी खबरें दी वैबसाइट ते न्यूज ऑन ए.आई.आर मोबाइल ऐप पर बी उपलब्ध होग। एहदे कन्नो कन्नी आकाशवाणी समाचार, डी.डी न्यूज, प्रधानमंत्री हुंदे दफ्तर ते सूचना ते प्रसारण मंत्रालय दे यूट्यूब चैनलें पर बी एहदी लाइव स्ट्रीमिंग उपलब्ध होग। आकाशवाणी परा मन की बात दे प्रसारण दे तुरत मगरा मकामी भाशाएं च एहदा अनुवाद बी प्रसारण कीता जाह्ग।

<><><><><><>

Dy. CM Cinema

उपमुख्यमंत्री सुरेन्द्र चौधरी होरें जम्मू कश्मीर दे रचनात्मक ते कलात्मक हुनर गी बढ़ावा देने ते उंदा बाद्धा विकास करने दे सरकार दे धेइयै गी फही दोहराया। डोगरी फिल्म गेंगवार 86 चे प्रीमियर दे मौके पर बोलदे होई उनें फिल्मकारें दी मकामी फिल्म उद्योग च परतियै नमें सिरेया जाने भरने लेई सराहना कीती। उपमुख्यमंत्री होरें जम्मू कश्मीर गी फिल्में सरबन्धी सैलसफे च इक टकोहदी थाहर बनाने लेई सरकार आस्सेआ कीते जा8रदे जतनें गी उजागर कीता। उनें मकामी कलाकारें ते फिल्म निर्माताएं गी आखेआ जे ओह मकामी कहानिएं गी उजागर करने ते उंदे पर कम्म करन। उंदे सब्बने गी मौके उपलब्ध करोआने च सरकार दी वचनबद्धता गी दोहराया। उनें आखेआ ते केन्द्र शासत प्रदेश दी सरकार रचनात्मक गी पक्क गै बढ़ावा देग।

<><><><><><>

Dogri Manyta Diwas

समूलचे जम्मू संभाग च अज्ज डोगरी मान्यता दिवस मनाया जा करदा ऐ। डोगरी भाशा गी भारती संविधान दी 8मीं सूची च शामिल कीते जाने ते इसी इक राष्ट्री भाशा बनाने दे चेतते च एह ध्याड़ा हर ब'रे मनाया जदां ऐ। इस सरबंधै च अज्ज जम्मू संभाग च केई सारे कार्यक्रमें दा सरिस्ता कीता जा करदा ऐ। डोगरी मान्यता दिवस दे सरबंधै च डोगरी संस्था जम्मू आसेआ बी इक समारोह दा आयोजन कीता गेआ। इस मौके पर मन्नी-परमन्नी दिएं शख्सियतें ते कलाकारें डुग्गर दी सगगोसार संस्कृति ते भाशा गी बढ़ावा देने दे महत्त्व पर लोऽ पाई।

<><><><><><>

Mission Yuva(byte)

युवा मिशन तैहत् उद्यम जाग्रति अभियान दी शुरूआत जम्मू कश्मीर च कीती गई ऐ। एह्दे तैहत् 20 जिलें 285 ब्लाक ते 9 सौ पंचैतें गी आन्नेआ गेआ ऐ। इक दिन च तकरीबन 10 ज्हार लोकें एह्दे च हिस्सा लैता। इक ज्हार युवाएं युवा हुनर ते उद्यमियता सरबंधी ऐप पर पंजीकृत कीता ऐ। इस अभियान दा मकसद हुनर ते आत्मशक्ति दी पंछान, इक दुए कन्नै ते संसाधने कन्नै सब्बने कन्नै जोड़ना ते नमिएं काह्डें गी होर जोर देना ऐ। 2 म्हीने च सारी 4 ज्हार 201 पंचैतें गी एह्दे तैहत् आन्नेआ जाग। सांबा दे जिला विकास आयुक्त होरें उद्यम, जागृति अभियान दी शुरूआत कीती ते इस बारे व्यापक जानकारी उपलब्ध करोआई।

<><><><><><>